

Contrario na e Gobierno actual

GOBIERNO DI MEP TA KERE E HULANDES MAS CU PROPIO ARUBIANO

A paga 14 Miyon na asistencia tecnico y sin resultado

ORANJESTAD(AAN) -- Ministro di Asuntonan Economico, Tico Croes, a duna di conoce cu durante e reunion cu Comision Central, un reunion cu a worde tuma ariba peticion di Gobierno, Nelson Oduber a presenta cu un carta caminda e ta reacciona ariba e cambio di maneho pa loke ta ayudo di desaroyo.

Ministro Croes a bisa cu e ta lamenta e contenido di e carta pasobra si mira bon, siman pasa diahuebs ora Croes a manda e carta pa Ministro Voorhoeve, mesora el a acerca presidente di Parlamento, Christiaans, caminda a solicita mediante un carta pa reuni rapidamente cu Comision Central caminda lo duna Comision Central informacion encunto pensamiento di Gobierno.

Ministro Croes a splica cu e carta entrega na Ministro Voorhoeve ta encera un agenda di discusion. A bisa Ministro Voorhoeve cu no tin tempo pa bay discuti profundo ariba diferente puntanan. Gobierno a informa Voorhoeve cu encunto e forma di cooperacion cu Hulanda, Gobierno no ta contento cu esaki y Gobierno kier bay papia ariba formanan nobo.

Segun Ministro Croes, ta esey el a trece padilanti den e reunion di Comision Central. Croes a sigui bisa cu el a puntra fraccion di MEP categoricamente si nan ta contento cu estado di cosnan manera cu nan ta, si nan ta contento:

- cu pais Aruba ta mendigo,
- cu cada biaha cu Aruba kier traha un caminda, ta Hulanda mester dicidi pa nos,
- si mester soluciona un problema na Aruba, mester bay Hulanda pa haya asistencia tecnico.

Ministro Croes a mostra cu ta hopi importante pa recorda cu durante e ultimo 4 añanan, e asunto di asistencia tecnico a aumenta casi 4 biaha.

Awor tin un presupuesto, djis ariba asistencia tecnico so na un suma di 14 Miyon Florin, mientras cu e proble-

manan na Aruba no a worde soluciona.

Croes tambe e menciona e hecho cu Nelson Oduber a haya un mocion di desconfianza for di reino esta cu a pone Aruba bao curatela manera cu e mocion di reino ta stipula, ta indica cu Oduber no por a soluciona e problema ni cu asistencia tecnico di Hulanda.

Gobierno ta kere cu lo mester pensa ariba formanan nobo. Ministro Croes a bisa cu Gobierno ta di opinion cu mester busca un forma nobo di cooperacion caminda Aruba ta baas den su propio cas, un pais digno, un pais cu por para ariba su propio pia y esaki ta encera un mayor autonomia, un mayor independencia ariba tereno financiero.

Gobierno a pensa cu e caminda di cana ta e Banco di Inversion di Aruba. Esey mester ta e instancia cu ta haya un funcion mas pro-

nuncia den futuro, pa por canalisa e proceso aki pa nos por yega na nos meta.

Nelson Oduber su ponencia ta cu esey lo hiba cu e homber chikito lo no haya nada. Ministro Croes ta puntra su mes si den e ultimo 5 aña e yudanza di desaroyo manera Oduber a vislumbre y ehecuta, en berdad el a yuda e homber chikito.

Al contrario, e medidanan di 17 di Juli 1993 ta bisa categoricamente cu e homber chikito no a worde yuda.

Nelson Oduber tambe ta critica cu Gobierno no tin control ariba Aruba Investment Bank. Croes a señala cu tabata increíble pa scucha den Comision Central con un miembro di fraccion di MEP ta bisa cu nan a yega na un acuerdo cu Nacionale Inversterings Bank, caminda segun Croes Aruba no tin ningun hende o sea comisario pa e placa di fondo di desaroyo cu no a

worde gasta pa nan pone den Nacionale Inversterings Bank (NIB) cuide pa nan.

Aki por mira cu MEP ta prefera di confia e Hulandesnan mas cu nos propio banco di Arubianonan esta Aruba Investment Bank. E ora e discusion no ta bira un cuestion di Aruba Investment Bank sino e ta bira un cuestion cu Oduber ta kere mas den e Hulandesnan cu e propio Arubianonan.

Gobierno ta di opinion cu e discusion no ta uno di problema di placa sino simplemente un problema di compleho di inferioridad y un falta di vision con pa sali for e relacion di depend-

encia cu Hulanda.

Segun Ministro Croes, fraccion di MEP a bay di acuerdo cune cu e situacion di dependencia aki no ta saludable pa e pais. Ariba e punto, con pa sali for di e dependencia aki, Gobierno a sinti cu fraccion di MEP tin problema cu esaki. A notifica fraccion di MEP cu Gobierno ta habri pa scucha un alternativa.

Ta asina cu fraccion di MEP no tabata tin un alternativa. E ora ey Gobierno ta bisa cu si no tin alternativa, e alternativa di Gobierno lo mester bay worde studia pa mira con ta bay ehecute.

Variedades Kwang Ying

Ta ofrece na tur su clientelanan, porcelana chinees, piedranan di cristal, bukinan di metafisica, reukwater, vela, cencia, hilo pa borda, haak, y tur cos pa cose, tur sorto di flor artificial inclusivo crans y bouquet pa dia di tur difunto. Pa e luna aki nos tin inscripcion habri pa e siguiente cursonan; Flor di porcelana, adornos navideños y flor traja cu sinta troquelados. Cursonan ta wordo duna door di hende especialisa den e ramo. Nos ta bende tur e materialnan cu mester pa e cursonan aki. Adres: Elleboogstraat #5, Tel: 24561 (antes Aquarella)

SOLVED MYSTERIES!!!

